

Repiticion mañan: Un Dia den Bida cu Marriott Vacation Club



STA. CRUZ -- E programa "Un dia den bida" cu Poentje Castro ta presenta como tema e siman aki Marriot Vacation Club. E edicion aki no solamente ta mostra e importancia di e existencia di e hotel menciona riba nos isla, si no e balor cu e ta trece cune pae trahadornan y pa nos como Arubiano. Marriot Vacation Club ta mostra cu nan no ta unicamente un hotel di cinco streya pero tambe un time sharing di alto nivel. Marriott Vacation Club ta un instituto unda cu e mihor bendedornan di mundo ta wordo recluta. Di mundo pasobra increibel of no y mihor bendedornan di time sharing mundialmente pa Marriott ta un Arubiano y esaki mester haci nos mas orguyoso ainda.

Poentje Castro a conversa cu siete persona cuminzando di top management pa marketing director pa sales executives te na un pareha Mericano cu

a caba di cumpra un kamer di \$ 27,000.00. E bunita di e y esplendor di e imperio di Marriott Vacation ta wordo ilustra den su totalidad, cu shotnan sorprendente cu ta papia pa nan mes.

Tin un seccion unda cu e top sales executive Hendrik van Lennen ta duna un demostracion di venta y ta splica dicon e ta den e top di e bendedornan rond mundo pa Marriott.

E concepto di e edicion di Un Dia Den bida diferente aki ta pa recluta hoben y mayornan local y di e islanan rond di Aruba pa cu si ta e caso cu nan ta kere cu nan tin e calidadnan di por bira un top sales man, pa sintoniza Tele Aruba awe diadomingo pa 5'or atardi unda cu lo bo haya tur e informacionnan necesario pa bo aplica. Manera nan ta bisa na Hulandes kijkse.